

DVODECIM DOMORVM COELESTIVM initia constituere. Prop. XXVIII.

Per 23. huius 4. angulos seu cardines constitue, & gradus Zodiaci tunc primum parallelum præcisè tangens, est gradus ascendens seu horoscopus constituens initium primæ domus: Gradus verò oppositus cadens super eundem parallelum in parte occidentali, est initium septimæ. Gradus existens in linea medij diei est initium decimæ domus, huic verò oppositus in linea mediæ noctis initium quartæ.

Secundò pone eundem gradum ascendentem super finem 8. hor. inæqualis, & gradus, qui tunc ceciderit, super lineam medij diei, est initium 8. domus; gradus oppositus cadens super lineam mediæ noctis, est initium secundæ.

Tertiò pone eundem gradum ascendentem super finem decimæ horæ inæqualis, & gradus tunc cadens super lineam meridianam, est initium 9. domus; gradus oppositus initium tertiæ.

Quartò pone gradum septimæ domus, hoc est, illum, qui opponitur gradui primæ domus super 2. hor. inæqualem, & gradus existens in linea meridiana, est initium undecimæ, gradus verò oppositus initium quintæ.

Quintò pone eundem grad. septimæ super finem 4. horæ, & gradus tangens lineam meridianam erit initium 12. domus; oppositus verò in linea mediæ noctis, initium sextæ. Et hac ratione habentur omnes domus cœlestes æquatæ; quarum prima, decima, septima & quarta, dicuntur anguli seu cardines, & sunt domus fortitudinis. Secunda, quinta, octava & undecima dicuntur succedentes, tertia, sexta, nona & duodecima ab angulis cadentes & debiles.

ASPECTVS PLANETARVM FORVMQVE radiationes scire. Propos. XXIX.

Aspectus nihil aliud est, quam certa distantia planetarum
inter